



BOLETÍN OFICIAL DO PARLAMENTO DE GALICIA

Número 467

VIII legislatura

10 de maio de 2011

Fascículo 1

SUMARIO

(Versión electrónica en www.parlamentodegalicia.es)

1. Procedementos de natureza normativa

1.2. Proxectos e proposicións de lei

1.2.1. Proxectos de lei

– Ampliación do prazo de presentación de emendas ao articulado do Proxecto de lei de disciplina orzamentaria e sustentabilidade financeira [- 08/PL-0026(64031)] [141838](#)

– Admisión a trámite, apertura do prazo de presentación de emendas e publicación do Proxecto de lei da área metropolitana de Vigo [- 08/PL-0028(64608)] [141838](#)

1. Procedementos de natureza normativa

1.2. Proxectos e proposicións de lei

1.2.1. Proxectos de lei

Ampliación do prazo de presentación de emendas ao articulado do Proxecto de lei de disciplina orzamentaria e sustentabilidade financeira

A Mesa do Parlamento, na súa sesión do día 9 de maio de 2011, adoptou o seguinte acordo:

Aceptación de ampliación de prazo de emendas ao articulado

- 08/PL-0026(64031)

Presidencia da Xunta de Galicia

Proxecto de lei de disciplina orzamentaria e sustentabilidade financeira

BOPG núm. 457, do 26.04.2011

Visto o disposto no artigo 96 do Regulamento da Cámara, a Mesa, por unanimidade, acorda:

1º) Prorrogar o prazo de presentación de emendas ao articulado ao Proxecto de lei de disciplina orzamentaria e sustentabilidade financeira ata o 12 de maio de 2011, ás 18.30 horas.

2º) Notificarlles este acordo aos grupos parlamentarios.

3º) Publicar este acordo no *Boletín Oficial do Parlamento de Galicia*

Santiago de Compostela, 9 de maio de 2011

Pilar Rojo Noguera
Presidenta

Admisión a trámite, apertura do prazo de presentación de emendas e publicación do Proxecto de lei da área metropolitana de Vigo

A Mesa do Parlamento, na reunión do día 9 de maio de 2011, adoptou o seguinte acordo:

Admisión a trámite e apertura do prazo de presentación de emendas:

- 08/PL-0028(64608)

Presidencia da Xunta de Galicia

Proxecto de lei da área metropolitana de Vigo

Examinado o devandito proxecto, e logo de verificar que reúne a documentación e os antecedentes previstos no artigo 111 do Regulamento, a Mesa, por unanimidade, acorda:

1.º) Admitir a trámite o devandito proxecto de lei polo procedemento legislativo ordinario.

2.º) Oír a Xunta de Portavoces para a súa asignación á Comisión e ordenar a súa publicación no *Boletín Oficial do Parlamento de Galicia*.

3.º) Abrir o prazo regulamentario de quince días hábiles para a presentación de emendas, que comezará a contar a partir do día seguinte ao da publicación no *Boletín Oficial do Parlamento de Galicia*. O prazo remata o día 28 de maio de 2011, ás 13.00 horas.

Santiago de Compostela, 9 de maio de 2011

Pilar Rojo Noguera
Presidenta



XUNTA DE GALICIA

CONSELLERÍA DE PRESIDENCIA,
ADMINISTRACIÓNS PÚBLICAS
E XUSTIZA

Dirección Xeral de Relacións Institucionais e Parlamentarias

RS/mv

PARLAMENTO DE GALICIA
REXISTRO XERAL ENTRADA

- 3 MAI. 2011

Núm. **64608**

CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
DIRECCIÓN XERAL DE RELACIÓNS INSTITUCIONAIS E PARLAMENTARIAS

- 3 MAI. 2011

SAÍDA


Núm. **7643**

Para a súa tramitación polo Parlamento de Galicia achégolle o "**Proxecto de lei da Área Metropolitana de Vigo**", aprobado polo Consello da Xunta de Galicia na súa reunión do día 28 de abril de 2011.

Asemade achégase a certificación expedida polo secretario do Consello co visto e praxe do Sr. Presidente da Xunta de Galicia, así como os documentos aos que se refire o artigo 111 do Regulamento da Cámara.

Santiago de Compostela, 3 de mayo de 2011

O director xeral de Relacións Institucionais e Parlamentarias



Roberto Castro García

Excma. Sra. Presidenta do Parlamento de Galicia



XUNTA DE GALICIA

ALFONSO RUEDA VALENZUELA, CONSELLEIRO DE
PRESIDENCIA, ADMINISTRACIÓNS PÚBLICAS E XUSTIZA E
SECRETARIO DO CONSELLO DA XUNTA DE GALICIA,

CERTIFICO:

Que o Consello da Xunta de Galicia na súa reunión do día vinte e oito de abril de
dous mil once adoptou, entre outros, o seguinte Acordo:

“Aprobar o *Proxecto de lei da Área Metropolitana de Vigo*, e a súa remisión ao
Parlamento de Galicia”

E para que conste asino esta certificación, co visto e prace do Sr. Presidente, en
Santiago de Compostela a vinte e oito de abril de dous mil once.

Vº. e Prace
O PRESIDENTE






XUNTA DE GALICIA

PROXECTO DE LEI DA ÁREA METROPOLITANA DE VIGO

[Handwritten signature]






XUNTA DE GALICIA

INDICE SISTEMÁTICO

EXPOSICIÓN DE MOTIVOS	6
CAPÍTULO I. DISPOSICIÓN XERAIS E ÁMBITO TERRITORIAL	16
Artigo 1. OBXECTO E NATUREZA	16
Artigo 2. ÁMBITO TERRITORIAL E CAPITALIDADE	17
CAPÍTULO II. ORGANIZACIÓN E FUNCIONAMENTO DA ÁREA METROPOLITANA	18
Artigo 3. GOBERNO E ADMINISTRACIÓN	18
Artigo 4. ESTATUTO DOS MEMBROS DA ÁREA METROPOLITANA DE VIGO	19
Artigo 5. COMPOSICIÓN DA ASEMBLEA METROPOLITANA	20
Artigo 6. ELECCIÓN DOS CONSELLEIROS METROPOLITANOS	21
Artigo 7. CONSTITUCIÓN DA ASEMBLEA METROPOLITANA	22
Artigo 8. ATRIBUCIÓN DA ASEMBLEA METROPOLITANA	23
Artigo 9. FUNCIONAMENTO DA ASEMBLEA METROPOLITANA	26
Artigo 10. DA PRESIDENCIA E VICEPRESIDENCIAS DA ÁREA METROPOLITANA	27
Artigo 11. XUNTA DE GOBERNO METROPOLITANA	29
Artigo 12. COMITÉ DE COOPERACIÓN	31
Artigo 13. COMISIÓN ESPECIAL DE CONTAS	33
CAPÍTULO III. POTESTADES E COMPETENCIAS	34
SECCIÓN PRIMEIRA. DISPOSICIÓN XERAIS	34
Artigo 14. POTESTADES	34
Artigo 15. ÁMBITO COMPETENCIAL	36





XUNTA DE GALICIA

Artigo 16. PLAN METROPOLITANO	37
Artigo 17. SERVIZOS METROPOLITANOS	38
SECCIÓN SEGUNDA. PROMOCION ECONÓMICA, EMPREGO E SERVIZOS SOCIAIS	39
Artigo 18. PROMOCIÓN ECONÓMICA E EMPREGO	39
Artigo 19. SERVIZOS SOCIAIS	40
SECCIÓN TERCEIRA. TURISMO E PROMOCIÓN CULTURAL	41
Artigo 20. TURISMO E PROMOCIÓN CULTURAL	41
SECCIÓN CUARTA. TRANSPORTE PÚBLICO DE VIAXEIROS	42
Artigo 21. TRANSPORTE PÚBLICO DE VIAXEIROS	42
SECCIÓN QUINTA. MEDIO AMBIENTE, AUGAS E XESTIÓN DE RESIDUOS	44
Artigo 22. PLANIFICACIÓN E XESTIÓN MEDIOAMBIENTAL	44
Artigo 23. AUGAS	46
Artigo 24. XESTIÓN DE RESIDUOS	48
SECCIÓN SEXTA. ORDENACIÓN TERRITORIAL E COOPERACIÓN URBANÍSTICA	49
Artigo 25. ORDENACIÓN TERRITORIAL	49
Artigo 26. PLAN TERRITORIAL INTEGRADO METROPOLITANO	50
Artigo 27. PLANS E PROXECTOS SECTORIAIS METROPOLITANOS	51
Artigo 28. COOPERACION EN MATERIA URBANÍSTICA	52
Artigo 29. COMISIÓN DE ORDENACIÓN DO TERRITORIO E URBANISMO DA ÁREA METROPOLITANA DE VIGO	53
SECCIÓN SETIMA. COORDINACIÓN NAS TECNOLOXÍAS DA INFORMACIÓN E COMUNICACIÓN	55
Artigo 30. CONCELLOS EN REDE	55
CAPÍTULO IV. FACENDA DA ÁREA METROPOLITANA	56
Artigo 31. FACENDA DA ÁREA METROPOLITANA DE VIGO	56
CAPÍTULO V. PERSOAL DA ÁREA METROPOLITANA	58
Artigo 32. PERSOAL DA ÁREA METROPOLITANA DE VIGO	58
Artigo 33. OFERTA DE EMPREGO PÚBLICO	60





XUNTA DE GALICIA

Artigo 34. FUNCIONARIOS CON HABILITACIÓN DE CARÁCTER
ESTATAL _____ 61

DISPOSICIÓN ADICIONAIS _____ 62

DISPOSICIÓN ADICIONAL PRIMEIRA. Constitución da primeira
Asemblea Metropolitana _____ 62

DISPOSICIÓN ADICIONAL SEGUNDA. Cesación da participación
dos concellos noutros entes asociativos _____ 63

DISPOSICIÓN ADICIONAL TERCEIRA. Participación das outras
administracións no exercicio das competencias asumidas pola Área
Metropolitana de Vigo. _____ 64

DISPOSICIÓN ADICIONAL CUARTA. Traspaso de servizos e
funcións da Comunidade Autónoma á Área Metropolitana de Vigo _____ 65

DISPOSICIÓN ADICIONAL QUINTA. Subrogación da titularidade das
concesións e traspaso de empregados públicos _____ 68

DISPOSICIÓN ADICIONAL SEXTA. Traspaso de servizos e funcións
das entidades locais territoriais á Área Metropolitana de Vigo _____ 69

DISPOSICIÓN ADICIONAL SÉTIMA. Vinculación do ámbito
territorial da Área Metropolitana _____ 70

DISPOSICIÓN ADICIONAL OITAVA. Ampliación do ámbito
territorial _____ 71

DISPOSICIÓN TRANSITORIAS _____ 72

DISPOSICIÓN TRANSITORIA PRIMEIRA. Acordos que afecten
servizos transferidos _____ 72


DISPOSICIÓN TRANSITORIA SEGUNDA. Procedemento de
designación dos conselleiros metropolitanos do artigo 6.4.b) _____ 73

DISPOSICIÓN TRANSITORIA TERCEIRA. Xestión do abastecemento
de alta _____ 74

DISPOSICIÓN DERRADEIRAS _____ 75

DISPOSICIÓN DERRADEIRA PRIMEIRA. Modificación da Lei
10/1995, do 23 de novembro, de ordenación do territorio de Galicia _____ 75


DISPOSICIÓN DERRADEIRA SEGUNDA. Modificación da Lei
9/2002, do 30 de decembro, de ordenación urbanística e protección do
medio rural de Galicia _____ 78





XUNTA DE GALICIA

DISPOSICIÓN DERRADEIRA TERCEIRA. Modificación da Lei 5/1997, do 22 de xullo, de Administración local de Galicia _____	79
DISPOSICIÓN DERRADEIRA CUARTA. Habilitación normativa _____	80
DISPOSICIÓN DERRADEIRA QUINTA. Entrada en vigor _____	81





XUNTA DE GALICIA

EXPOSICIÓN DE MOTIVOS


I

As áreas metropolitanas están a configurarse hoxe en día como escenarios nos que se manifestan as dinámicas sociais, culturais e políticas. A economía do coñecemento e a sociedade en rede aumentan o poder de atracción destas áreas metropolitanas para as persoas e as actividades. Desde a década dos 90 tense revitalizado, especialmente en Europa, o debate sobre a necesidade de reorganización institucional destes espazos, a partir dos gobernos metropolitanos creados na súa maioría a partir dos anos 60.

Na actualidade, cando máis do 70% dos cidadáns europeos residen xa en áreas metropolitanas, está a ter lugar en moitos estados europeos un debate a nivel nacional e rexional sobre a política que se ten que aplicar nas grandes metrópolis e sobre a súa gobernanza, e, nesta liña, diversas instancias europeas téñense pronunciado acerca da necesidade de atopar fórmulas que garantan un goberno eficaz das área metropolitanas.

No ano 2004, o Comité Económico e Social Europeo (CESE) chamou a atención sobre as repercusións socioeconómicas das áreas metropolitanas, que, ao seu xuízo, se atopaban amplamente subestimadas, e avogou por que o desenvolvemento das metrópolis europeas figurase na axenda comunitaria. Neste sentido o CESE foi un dos pioneiros en subliñar a existencia dun vínculo directo entre a función das metrópolis e a aplicación da estratexia de Lisboa sobre a sociedade do coñecemento. No ano 2007, o devandito órgano consultivo europeo elaborou un novo ditame por solicitude da presidencia alemá no que se definen as áreas metropolitanas como laboratorios da economía mundial, motores da economía e centros de creatividade e innovación.

O Estado español non é alleo ao rexurdimento do fenómeno metropolitano que se está a producir a nivel europeo, tal e como pon de manifesto a recente aprobación polo Parlamento de Cataluña da Lei da Área Metropolitana de Barcelona.





XUNTA DE GALICIA

II

A contorna da cidade de Vigo configúrase como un espazo físico onde conviven preto de medio millón de persoas, cunha densidade de poboación case tres veces superior á media provincial, constituíndo un dos principais polos económicos e dinámicos de Galicia, co predominio dalgúns sectores industriais de tecnoloxía punta que resultan claves no crecemento económico de Galicia. O seu peso demográfico, económico e social, así como a súa continuidade xeográfica, conforman un espazo idóneo para a posta en marcha da primeira área metropolitana en Galicia.


Ademais, a Eurorrexión Galicia-Norte de Portugal está a configurarse actualmente como un espazo de forte interrelación social, económica e cultural, pleno de oportunidades e cun gran potencial de desenvolvemento futuro. Neste espazo de cooperación, que conta xa cunha área metropolitana arredor da cidade de Porto, é indiscutible que a área de Vigo está chamada a desempeñar un papel fundamental.

A nova ordenación territorial que vai supoñer a creación da área metropolitana fortalecerá as infraestruturas de comunicación e transporte e a súa intermodalidade; desenvolverá estratexias de complementariedade e propiciará vías de desconxestión e descentralización da ocupación do territorio; garantirá servizos públicos de calidade, cunha administración próxima, e incrementará a implicación e a participación cidadá no desenvolvemento dun novo modelo de cidade, xa que só aqueles espazos urbanos amplos e adaptados á nova realidade se constituirán en áreas económicas potentes, modernas e competitivas.

III

A Xunta de Galicia non pode ser allea a esta realidade social e económica, polo que o presente proxecto de lei é a resposta a unha identidade propia da área de Vigo, baseada na dinámica metropolitana expresada polos concellos integrados na futura área.

O proxecto de lei incorpora así as consideracións formuladas polos alcaldes integrantes da actual Mancomunidade Intermunicipal de Vigo, que xa desde o momento de constitución do ente, coa "Declaración institucional





XUNTA DE GALICIA


sobre a Mancomunidade da área intermunicipal de Vigo” de 1991, amosaban a súa visión da mancomunidade como un primeiro paso e a súa vontade de camiñar xuntos cara a unha nova realidade administrativa que tería o seu fin coa creación da Área Metropolitana de Vigo, unha vontade que foi referendada posteriormente na Declaración de Soutomaior, onde se reiteraba a intención de crear a figura da área metropolitana desde a libre vontade de cada un dos concellos.

Esta declaración tivo a súa continuación en Nigrán no ano 2000, xa coa participación activa dos concellos de Cangas e Moaña. A Declaración de Nigrán é unha peza clave para entender a presente lei. Neste texto, co apoio unánime de todos os alcaldes participantes, están xa os elementos estruturais desta lei, os piares que se materializan no presente texto articulado.

En Nigrán propónse xa un peso de cada concello nos diferentes órganos de goberno, especialmente no que atinxe á Asemblea Metropolitana, recoñecendo o papel da cidade de Vigo, que sería a sede da futura área metropolitana. O ámbito territorial que conforma está definido polos mesmos catorce concellos que abarca a presente lei, pero sen excluír a incorporación futura doutros.

A partir desta vontade das administracións locais, ao longo destes anos desenvolveuse un amplo proceso de participación e debate, que pode entenderse desde a importancia estratéxica que un proxecto así ten para a área de Vigo e para toda Galicia. Un proceso que, aínda que longo, non fixo senón enriquecer o documento e consolidar as ideas fundamentais que se mantiveron durante destes anos, que se plasmaron primeiro no malogrado texto de 2005 e que se reincorporaron, aumentadas e melloradas, neste novo proxecto.

Neste proceso de participación son vitais, para entender o presente texto, as achegas de todos os concellos. As ideas xurdidas ao longo de todo o proceso de participación complementáronse coa análise das experiencias de xestión metropolitana que están funcionando en toda Europa, mirando especialmente as experiencias existentes no Estado español, como é o caso da Área Metropolitana de Barcelona, que conta cunha longa tradición de xestión conxunta entre os concellos integrados nela.





XUNTA DE GALICIA

A Área Metropolitana de Vigo está chamada a servir de modelo para unha nova organización da estrutura administrativa local, que evite duplicidades e mellore a coordinación entre as administracións existentes. A necesaria coordinación entre a Xunta de Galicia, a Deputación de Pontevedra e os concellos ten a súa materialización na área metropolitana, de xeito que se racionalicen os gastos e se eviten duplicidades orzamentarias. A mellora da calidade dos servizos que reciben os cidadáns, sen que isto supoña novos impostos, é o motor que impulsa a elaboración desta lei.

A futura área metropolitana será un éxito seguro se todos os concellos camiñan unidos na mesma dirección, con plena autonomía nas súas decisións pero co apoio garantido de antemán de toda Galicia e, na súa representación, do Goberno galego.

IV

De acordo co previsto no artigo 148.1 da Constitución española, a Comunidade Autónoma de Galicia asumiu, a través do artigo 27 do Estatuto de autonomía, a competencia en materia de réxime local.

A normativa autonómica en materia de réxime local, e concretamente a Lei 5/1997, do 22 de xullo, de Administración local de Galicia, recoñece no seu articulado a posibilidade de crear, mediante lei do Parlamento de Galicia, áreas metropolitanas “integradas polos municipios onde existan grandes aglomeracións urbanas e cando entre os seus núcleos de poboación haxa vinculacións económicas e sociais que fagan precisa a planificación conxunta e a coordinación de determinados servizos e obras”.

A figura das áreas metropolitanas xa aparecía regulada na Lei 7/1985, do 2 de abril, reguladora das bases de réxime local, mais ata o de agora non chegara nunca a ser materializada. No entanto, cómpre subliñar que, despois dun longo camiño percorrido da man dos concellos, o 13 de xaneiro de 2005 o Consello da Xunta de Galicia aprobaba un proxecto de lei de creación da Área Metropolitana de Vigo que non chegou a finalizar a súa tramitación parlamentaria por mor da disolución anticipada do Parlamento de Galicia.



XUNTA DE GALICIA

A presente lei recolle o traballo plasmado naquel texto, introducindo as melloras e actualizacións pertinentes sobre o núcleo fundamental daquel proxecto e renovando o consenso cos concellos.

V

A lei estrutúrase en cinco capítulos, cun total de 34 artigos, oito disposicións adicionais, tres disposicións transitorias e cinco disposicións derradeiras.

O capítulo primeiro leva por rúbrica “Disposicións xerais e ámbito territorial”, onde se recolle a natureza da Área Metropolitana de entidade local territorial dotada de personalidade xurídica e autonomía para o cumprimento dos seus fins, e o seu ámbito territorial conformado por 14 municipios, tendo a súa capital no municipio de Vigo.

O capítulo segundo, rubricado “Organización e funcionamento da Área Metropolitana”, regula o goberno e administración da Área Metropolitana de Vigo, establecendo os órganos de goberno e administración da entidade. Así mesmo, régúlese a composición da Asemblea Metropolitana, que estará en relación co número de habitantes de cada municipio, e o procedemento de elección dos representantes de cada concello, establecendo a regra de que o alcalde ou alcaldesa de cada concello será membro nato da Asemblea Metropolitana. Régúlese tamén polo miúdo o procedemento de constitución da Asemblea Metropolitana así como a elección do presidente. Neste mesmo capítulo régúlanse as atribucións da Asemblea Metropolitana, da Presidencia e da Xunta de Goberno Metropolitana, como principais órganos de goberno da entidade local, concedéndolle un peso especial á Xunta de Goberno Metropolitana, en coherencia coa regulación recollida no título X da Lei de bases do réxime local relativa ao réxime de organización dos municipios de gran poboación. Por último, régúlanse dous órganos de singular importancia como son o Comité de Cooperación, que representa de xeito paritario á Xunta de Galicia, á Deputación Provincial de Pontevedra e á Área Metropolitana de Vigo, e a Comisión Especial de Contas, cunha natureza idéntica ás dos municipios.

O capítulo terceiro, que leva por título “Potestades e competencias”, divídese en sete seccións, unha por cada área de xestión competencial da



XUNTA DE GALICIA

futura Área Metropolitana, a saber: promoción económica, emprego e servizos sociais, turismo e promoción cultural, transporte público de viaxeiros, medio ambiente e ordenación territorial, cooperación urbanística e cooperación nas tecnoloxías da información e comunicación, e precedidas dunha sección de disposicións xerais.

Dentro das disposicións xerais, regúlase o sistema de asunción de competencias pola Área Metropolitana, as potestades que asume para o correcto exercicio delas e o instrumento planificador da actuación da Área Metropolitana: o plan metropolitano cuadrienal de actividades, obras e servizos.

Sobre as competencias en materia de promoción económica e emprego, a Área Metropolitana poderá planificar, xestionar e avaliar programas e proxectos económicos e de emprego, así como fomentar a creación de novas empresas e calquera outro servizo susceptible de xerar emprego e recursos económicos para os municipios da Área Metropolitana, especialmente a busca de fórmulas de financiamento e axudas da Unión Europea.

En materia de servizos sociais, será competencia da Área Metropolitana a planificación e coordinación dos servizos de competencia municipal, a xestión dos servizos especializados de ámbito metropolitano, o apoio técnico e o fomento de proxectos comunitarios.

En materia de turismo e promoción cultural, as competencias serán fundamentalmente de planificación e coordinación, así como de articulación de fórmulas de cooperación e colaboración cos concellos, entidades e empresas. Máis concretamente, en materia turística velarase pola promoción da marca turística de Galicia, polo apoio técnico, pola participación na planificación turística e pola coordinación e fomento das estratexias de promoción.

A Área Metropolitana, en materia de transporte público de viaxeiros, exercerá competencias en materia de ordenación, xestión, planificación, inspección e sanción do servizo, a ordenación e intervención no servizo de autotaxi, así como a ordenación e intervención no transporte marítimo de



XUNTA DE GALICIA


viaxeiros. Con este obxecto, a Área Metropolitana aprobará un plan de explotación do servizo de transporte público metropolitano.

Unha das competencias máis importantes da Área Metropolitana será o medio ambiente, que abarcará a conservación de espazos naturais supramunicipais, a colaboración e asistencia aos municipios integrados e a formulación dun plan metropolitano de protección do medio ambiente. Ademais, asumirse, en materia de augas, o abastecemento en alta, o servizo de abastecemento domiciliario de auga potable, a rede de sumidoiros e a depuración de augas residuais urbanas. No eido dos residuos, intervirase na planificación da recollida selectiva, transporte, valorización e eliminación de residuos urbanos.

En materia de ordenación territorial e cooperación urbanística, dótase a Área Metropolitana dunha competencia capital como é a formulación do Plan Territorial Integrado Metropolitano (PTIM), como segundo nivel de ordenación territorial por debaixo das directrices de ordenación do territorio. Este PTIM deberá ser aprobado pola Comisión de Ordenación do Territorio e Urbanismo da Área Metropolitana de Vigo, e será o marco para a futura aprobación definitiva dos plans xerais de ordenación municipal dos distintos concellos integrantes e dos plans e proxectos sectoriais, que tamén recaerá na citada comisión. Ademais, a Área Metropolitana de Vigo prestará asistencia aos municipios integrados nela, paraa efectos do correcto cumprimento das determinacións urbanísticas correspondentes.

Como novidade transcendental, créase a antedita Comisión de Ordenación do Territorio e Urbanismo da Área Metropolitana de Vigo, como órgano de composición paritaria (Xunta de Galicia – Área Metropolitana) adscrito á consellería competente en materia de ordenación do territorio e urbanismo, que supón na práctica o traslado do centro de decisión política ao territorio metropolitano, demostrando así a madurez do fenómeno local e a confianza nas bondades dunha descentralización destas características.

En liña coas recomendacións do Comité Económico e Social Europeo e conscientes da contribución que poden realizar as áreas metropolitanas á posta en marcha da sociedade do coñecemento, a Área Metropolitana de Vigo vai asumir un importante papel na difusión do uso das novas tecnoloxías da información e a comunicación, incorporando a metodoloxía





XUNTA DE GALICIA

de traballo en rede e poñendo en marcha a administración electrónica nos concellos integrados.

O capítulo cuarto aborda a facenda da Área Metropolitana de Vigo, establecendo unha listaxe dos posibles recursos, entre os cales destacan as achegas dos municipios integrados na Área Metropolitana, que, cando menos, deberán cubrir o sistema xeral de financiamento da Área Metropolitana de Vigo, sen prexuízo do número de competencias que se deleguen, diferenciando así o financiamento da estrutura xeral do financiamento dos servizos concretos que poidan ser prestados pola Área Metropolitana.


O quinto e último capítulo regula o réxime do persoal ao servizo da Área Metropolitana, que se adapta estritamente ao regulado no Estatuto básico do empregado público, aprobado pola Lei 7/2007, do 12 abril. Neste sentido, recóllese a posibilidade, ademais do persoal funcionario e laboral, de contar con persoal directivo.

A disposición adicional primeira regula a constitución da primeira Asemblea Metropolitana, que pretende ser coherente coa actual regulación de constitución das corporacións municipais, detallando neste sentido o procedemento de elección de representantes na Asemblea, da Presidencia da Área Metropolitana, da Xunta de Goberno e do Comité de Cooperación.

A disposición adicional segunda, establece que, como consecuencia da integración dun municipio na Área Metropolitana, deberá iniciarse a disolución doutros entes de carácter asociativo, como poden ser as mancomunidades que coincidan dentro do ámbito territorial da Área Metropolitana e que non estean xustificadas polo especial das súas actividades e mais por un principio xeral de eficacia.

A disposición adicional terceira determina que as competencias transferidas á Área Metropolitana non poderán ser exercidas polos concellos delegantes co obxecto de evitar disfuncionalidades e duplicidades.

As disposicións adicionais cuarta, quinta e sexta regulan o mecanismo de materialización das transferencias das competencias, isto é, o procedemento concreto para o traspaso dos servizos e dos seu medios





XUNTA DE GALICIA

materiais, persoais e técnicos; establecendo que en todo caso serán necesarios estes acordos de traspaso por parte dos concellos integrantes na Área Metropolitana, da Xunta de Galicia e da Deputación, debendo así as administracións chegar a consensos e adoptar os acordos preceptivos segundo o réxime establecido na lexislación aplicable. Para o efectivo traspaso das competencias transferidas, créase a figura da Comisión Mixta Paritaria, que terá como misión concretar e levar a efecto os anteditos acordos.

A disposición adicional sétima configura a Área Metropolitana de Vigo como delimitación territorial preferente cando se estea planificando en diferentes materias como emprego, servizos sociais, etc.


A disposición adicional oitava establece a posibilidade de ampliación do ámbito territorial da Área Metropolitana de Vigo, despois dun procedemento que remata cun acordo do Consello da Xunta de Galicia.

A disposición transitoria primeira establece a posibilidade de que o regulamento orgánico habilite unha fórmula para que as aprobacións que recaian sobre servizos cuxos acordos de traspaso non foron aprobados por todos os concellos sexan acordados polo representantes dos concellos que si procederon ao traspaso efectivo deses servizos.

A disposición transitoria segunda establece un sistema de cálculo supletorio para a asignación dos conselleiros metropolitanos aos grupos políticos dos diferentes concellos.

A disposición transitoria terceira establece que, unha vez traspasado o abastecemento en alta dos encoros de Eiras e Zamáns, os concellos quedarán sometidos ao réxime tarifario daquel, aínda que non decidisen traspasar o seu servizo en alta á Área Metropolitana de Vigo.

A disposición derradeira primeira dedícase á modificación da Lei 10/1995, do 23 de novembro, de ordenación do territorio de Galicia, que supón unha adaptación do procedemento para contemplar a aprobación dos plans territoriais integrados de ámbito metropolitano e dos plans e proxectos sectoriais metropolitanos, engadindo así dous artigos á citada lei. A disposición derradeira segunda axusta, pola súa vez, a Lei 9/2002, do 30 de






XUNTA DE GALICIA

decembro, de ordenación urbanística e protección do medio rural de Galicia. A disposición derradeira terceira traslada á Lei de Administración de Galicia a consideración das áreas metropolitanas como entidades locais de carácter territorial.

Por último, a lei remata coas disposicións derradeiras cuarta e quinta, que habilitan para o desenvolvemento regulamentario e fixan o prazo dun mes de *vacatio legis*, respectivamente.






XUNTA DE GALICIA

CAPÍTULO I. DISPOSICIÓN XERAIS E ÁMBITO TERRITORIAL

Artigo 1. OBXECTO E NATUREZA

1. O obxecto da presente lei e a creación da Área Metropolitana de Vigo e o regulamento da súa organización, competencias e financiamento.
2. A Área Metropolitana de Vigo é unha entidade local supramunicipal de carácter territorial integrada polos municipios de Vigo e a súa área de influencia, nos cales existe unha vinculación económica e social que fai necesaria a planificación conxunta e a coordinación de determinados servizos e obras.
3. A Área Metropolitana de Vigo posúe plena capacidade xurídica e autonomía para o cumprimento dos seus fins, dirixidos, en todo caso, á consecución e mantemento da cohesión socioeconómica e ao desenvolvemento do territorio metropolitano.
4. A Área Metropolitana de Vigo rexerase polo disposto nesta lei, polo establecido na lexislación de réxime local e pola normativa sectorial aplicable aos diferentes ámbitos de actuación pública que son da súa competencia.






XUNTA DE GALICIA

Artigo 2. ÁMBITO TERRITORIAL E CAPITALIDADE

1. O ámbito territorial da Área Metropolitana de Vigo estará delimitado polos termos municipais dos concellos de Baiona, Cangas, Fornelos de Montes, Gondomar, Moaña, Mos, Nigrán, Pazos de Borbén, O Porriño, Redondela, Salceda de Caselas, Salvaterra de Miño, Soutomaior e Vigo.
2. A Área Metropolitana de Vigo terá a súa capitalidade no municipio de Vigo.






XUNTA DE GALICIA

CAPÍTULO II. ORGANIZACIÓN E FUNCIONAMENTO DA ÁREA METROPOLITANA

Artigo 3. GOBERNO E ADMINISTRACIÓN

1. O goberno e a administración metropolitana corresponden ao presidente e aos conselleiros metropolitanos.
2. A organización básica da administración da Área Metropolitana de Vigo está determinada pola seguinte estrutura:
 - a) A Asemblea Metropolitana.
 - b) O presidente ou presidenta, e ata dous vicepresidentes/as.
 - c) A Xunta de Goberno Metropolitana.
 - d) O Comité de Cooperación.
 - e) A Comisión Especial de Contas.
3. O regulamento orgánico da área metropolitana poderá completar esta organización básica e poderá, ademais, crear outros órganos de carácter directivo, consultivo e de participación.

Neste sentido, a través do regulamento orgánico ou por acordo da Asemblea Metropolitana, que terá natureza orgánica e precisará maioría absoluta do número legal dos seus membros, poderá crearse como órgano superior de administración a figura da dirección xeral.
4. A Área Metropolitana de Vigo observará o principio de presenza equilibrada de mulleres e homes nos nomeamentos que corresponda efectuar nos seus órganos colexiados. Así mesmo, designará de acordo con este principio os seus representantes nos órganos colexiados ou comités en que participe, agás por razóns fundadas e obxectivas debidamente motivadas.






XUNTA DE GALICIA

Artigo 4. ESTATUTO DOS MEMBROS DA ÁREA METROPOLITANA DE VIGO.

1. A duración do mandato dos membros dos órganos de goberno da Área Metropolitana de Vigo será o mesmo que o establecido na lexislación de réxime electoral xeral para as corporacións municipais. Neste sentido, coa convocatoria de eleccións municipais finalizará o seu mandato, e quedará en funcións soamente para a administración ordinaria ata a toma de posesión dos seus sucesores. En ningún caso poderán adoptar acordos para os que legalmente se requira unha maioría cualificada.
2. O estatuto xurídico dos membros dos órganos de goberno da Área Metropolitana será o mesmo que o establecido para as corporacións municipais na lexislación básica de réxime local.





XUNTA DE GALICIA


Artigo 5. COMPOSICIÓN DA ASEMBLEA METROPOLITANA.

1. A Asemblea Metropolitana é o órgano de máxima representación política dos cidadáns no goberno metropolitano, e estará formada polo/a presidente/a e os representantes asignados por cada concello, que se denominarán conselleiros metropolitanos.

2. O número de representantes elixidos por cada concello respectará a seguinte proporción:

- a) Municipios con poboación inferior a 10.000 habitantes: 1 representante.
- b) Municipios con poboación entre 10.000 e 15.000 habitantes: 2 representantes.
- c) Municipios con poboación entre 15.000 e 20.000 habitantes: 3 representantes.
- d) Municipios con poboación entre 20.001 e 100.000 habitantes: 4 representantes.
- e) Municipios con máis de 100.000 habitantes: 11 representantes, e 1 máis por cada fracción de 25.000 habitantes por enriba dos 100.000.

Para estes efectos, a cifra de poboación que se computará en cada concello será a resultante da revisión do padrón municipal aprobada polo Goberno con referencia a 1 de xaneiro do ano anterior ao da constitución da Asemblea Metropolitana.






XUNTA DE GALICIA

Artigo 6. ELECCIÓN DOS CONSELLEIROS METROPOLITANOS.

1. Os/as titulares das alcaldías serán membros natos da Asemblea Metropolitana e poderán delegar a súa representación nun concelleiro ou concelleira da súa corporación. Esta delegación deberá ser xenérica e por tempo indefinido.
2. O resto de conselleiros metropolitanos que non son membros natos son elixidos polo pleno do concello de cada municipio de entre os seus concelleiros.
3. Cada concello, no prazo de trinta días desde a constitución das corporacións, debe convocar a sesión ou sesións extraordinarias do pleno para elixir os seus representantes na Asemblea Metropolitana.
4. O procedemento de designación dos conselleiros metropolitanos de cada concello efectuarase de acordo coas seguintes normas:
 - a) Nos concellos aos cales lles corresponde designar un só representante na Asemblea Metropolitana este será a persoa titular da alcaldía.
 - b) Os concellos aos cales lles corresponda designar varios representantes estarán representados pola persoa titular da alcaldía e polos membros da corporación que cada concello designe, por proposta previa de cada grupo político con representación política e segundo as regras que se especifican na disposición transitoria segunda.
5. Os membros da Asemblea Metropolitana poderán ser substituídos por falecemento, incapacidade, renuncia ou perda da condición de concelleiro/a consonte as mesmas regras aplicables á súa elección.






XUNTA DE GALICIA

Artigo 7. CONSTITUCIÓN DA ASEMBLEA METROPOLITANA.

1. A Asemblea Metropolitana constituirase en sesión pública o vixésimo día posterior á última sesión plenaria para elixir os representantes dos concellos e de acordo co previsto na normativa electoral vixente.
2. Para tal fin, constitúese unha Mesa de Idade integrada polos representantes de maior e menor idade presentes na sesión e na cal actuará como secretario/a o que o sexa da Área Metropolitana de Vigo. A Mesa comproba as credenciais presentadas, isto é, as certificacións dos acordos plenarios que os nomean como representantes na Asemblea Metropolitana.
3. Realizada a operación anterior, a Mesa declarará constituída a Asemblea Metropolitana se concorren a maioría absoluta dos representantes dos concellos. No caso contrario, celebrarase sesión dous días despois, e quedará constituída a Asemblea calquera que for o número de representantes presentes.






XUNTA DE GALICIA

Artigo 8. ATRIBUCIÓNS DA ASEMBLEA METROPOLITANA.

1. Correspóndenlle á Asemblea Metropolitana as seguintes atribucións:


- a) O control e fiscalización dos órganos de goberno metropolitanos.
- b) Aprobar o Plan Metropolitano Cuadrienal de Actividades, Obras e Servizos e a súa revisión anual, así como velar pola súa execución.
- c) Aprobar a memoria anual, antes do 1 de marzo do ano seguinte.
- d) Aprobar e modificar o Regulamento orgánico metropolitano.
- e) Aprobar e modificar as ordenanzas e regulamentos metropolitanos.
- f) A transferencia de funcións ou actividades a outras administracións públicas, así como a aceptación das transferencias, delegacións e encomendas de xestión realizadas por outras administracións.
- g) A determinación das formas de xestión dos servizos, así como o acordo de creación, modificación ou disolución de organismos autónomos, de entidades públicas empresariais e de sociedades mercantís para a xestión de servizos de competencia metropolitana.
- h) Aprobar as tarifas dos servizos metropolitanos, sen prexuízo das especialidades previstas para as tarifas dos servizos de transporte metropolitano no plan de explotación deste e na normativa autonómica.
- i) A determinación dos recursos propios de carácter tributario.
- j) A aprobación e modificación dos orzamentos, nos termos establecidos na lexislación de facendas locais, e o cadro de persoal. Así mesmo, aprobará a conta xeral do exercicio correspondente.
- k) Nomear e sepear o/a presidente/a. A votación da moción de censura e a cuestión de confianza rexeranse en todos os seus aspectos polo establecido na lexislación de réxime electoral xeral para os municipios.





XUNTA DE GALICIA


- l) A revisión de oficio das súas disposicións de carácter xeral e actos administrativos, e a declaración de lesividade destes últimos. O exercicio das accións xudiciais e administrativas e a defensa xurídica da Área Metropolitana nas materias da súa competencia.
- m) A formulación de conflitos de competencias.
- n) O establecemento, de ser o caso, do réxime retributivo dos membros da Asemblea Metropolitana e da Xunta de Goberno segundo a normativa de réxime local.
- o) A aprobación provisional do Plan Territorial Integrado, e dos plans e programas sectoriais en materia de ordenación do territorio, e a cualificación da incidencia supramunicipal destes últimos.
- p) O informe sobre a modificación do ámbito territorial da Área Metropolitana de Vigo.
- q) Aprobar, logo de proposta da Xunta de Goberno, a forma e a contía das achegas económicas dos municipios á facenda metropolitana.
- r) O nomeamento dos representantes no Comité de Cooperación e na Comisión do Ordenación do Territorio da Área Metropolitana.
- s) A determinación do número e composición da Comisión Especial de Contas, distribuídos proporcionalmente segundo o número de representantes dos grupos políticos presentes na Asemblea Metropolitana.
- t) A iniciativa, elaboración e impulso do plan de explotación de transporte metropolitano, coordinado coas actuacións nesta materia promovidas pola Xunta de Galicia.
- u) Resolver os procedementos de asunción de novas competencias e servizos públicos coa aceptación do concello ou concellos afectados.
- v) A contratación, autorización e disposición dos gastos nas materias da súa competencia, de acordo coa lexislación de réxime local.
- w) As restantes competencias que expresamente lle confiran as leis.





XUNTA DE GALICIA

2. Requirirase o voto favorable da maioría absoluta do número legal de membros da Asemblea Metropolitana para a adopción dos acordos referidos nas letras d), f), o), p), q) e u). Os demais acordos adoptaranse por maioría simple de votos.
3. A Asemblea Metropolitana pode delegar o exercicio das atribucións enumeradas nas letras c), g), h), m) , t) e v) na Xunta de Goberno Metropolitana.






XUNTA DE GALICIA

Artigo 9. FUNCIONAMENTO DA ASEMBLEA METROPOLITANA.

1. A Asemblea Metropolitana reunirase, en sesión ordinaria, como mínimo, unha vez ao trimestre; así mesmo, poderase reunir en sesión extraordinaria por convocatoria da Presidencia ou por solicitude dunha cuarta parte do número legal dos seus membros.
2. Con carácter xeral, o funcionamento da Asemblea Metropolitana rexerase polo disposto na normativa de réxime local para o Pleno, así como polo establecido no regulamento orgánico que, de ser o caso, se aprobe, e que deberá respectar, en todo caso, a antedita normativa.
3. Para un mellor funcionamento da Asemblea Metropolitana, os conselleiros metropolitanos deberán constituírse en grupos políticos metropolitanos, nos que se integrarán segundo o disposto na normativa de réxime local de aplicación e no Regulamento orgánico metropolitano.






XUNTA DE GALICIA

Artigo 10. DA PRESIDENCIA E VICEPRESIDENCIAS DA ÁREA METROPOLITANA

1. A Asemblea Metropolitana, na súa sesión constitutiva, elixirá de entre os seus membros o/a presidente/a, mediante o voto favorable da maioría absoluta na primeira votación, e simple na segunda. Unicamente poderán ser candidatos/as os representantes dos concellos que sexan alcaldes/esas.

2. Ao/Á presidente/a corresponderanlle as seguintes atribucións:


- a) Representar a Área Metropolitana, e dirixir a política, o goberno e a administración metropolitana.
- b) Convocar e presidir as sesións da Asemblea Metropolitana e da Xunta de Goberno, decidindo os empates con voto de calidade.
- c) O exercicio das accións xudiciais e administrativas en materia da súa competencia e, en caso de urxencia, en materias da competencia da Asemblea Metropolitana. Neste suposto, dará conta a esta na primeira sesión que se celebre para a súa ratificación.
- d) Dirixir, inspeccionar e impulsar as obras e servizos metropolitanos.
- e) Exercer a superior dirección do persoal da Área Metropolitana, sen prexuízo das competencias que lles correspondan aos outros órganos de goberno da Área Metropolitana.
- f) Ordenar a publicación, execución e cumprimento dos acordos dos órganos executivos da Área.
- g) Ditar resolucións, decretos e instrucións.
- h) Adoptar as medidas necesarias e adecuadas nos casos de extraordinaria e urxente necesidade, dando conta inmediata á Asemblea Metropolitana.
- i) A contratación, autorización, disposición dos gastos e recoñecemento das obrigas nas materias da súa competencia, de acordo coa lexislación de réxime local.





XUNTA DE GALICIA

- j) Establecer a organización e estrutura da Administración metropolitana executiva, sen prexuízo das competencias atribuídas á Asemblea en materia de organización da Área Metropolitana.
 - k) A elaboración da memoria anual.
 - l) As restantes competencias que expresamente lle atribúan as leis e aquelas que a lexislación do Estado ou da Comunidade Autónoma asignen á Área Metropolitana e non se atribúan a outros órganos desta.
3. O/a presidente/a poderá delegar exclusivamente, mediante decreto, o exercicio das atribucións sinaladas nas letras c), d), f) e i) na Xunta de Goberno, nos vicepresidentes e no director xeral.
4. A Xunta de Goberno nomeará de entre os seus membros ata dúas vicepresidencias, que substituirán á Presidencia, por orde de nomeamento, en caso de vacante, ausencia ou impedimento para o exercicio do cargo.





XUNTA DE GALICIA

Artigo 11. XUNTA DE GOBERNO METROPOLITANA.

1. A Xunta de Goberno, presidida polo/a presidente/a da Área Metropolitana, é o órgano colexiado de goberno da Área Metropolitana, e está formada por cada un dos/as alcaldes/esas dos concellos integrados nela.

2. No prazo máximo dun mes desde a constitución da Asemblea Metropolitana debe procederse á constitución da Xunta de Goberno metropolitana.

3. Os acordos adóptanse por maioría simple de votos.

O voto de cada membro da Xunta de Goberno será ponderado en función do número de representantes que cada concello teña na Asemblea Metropolitana.

4. Á Xunta de Goberno correspóndenlle as seguintes atribucións:

a) A aprobación dos proxectos do regulamento orgánico, dos proxectos de ordenanzas e do proxecto do plan metropolitano cuadrianual.


b) A aprobación do proxecto do orzamento.

c) Coordinar as actuacións dos municipios integrados na Área Metropolitana coas demais administracións públicas que incidan na súa demarcación territorial.

d) A autorización, disposición de gastos e recoñecemento das obrigas nas materias da súa competencia, e a disposición dos gastos que autorice a Asemblea.

e) As contratacións de toda clase, como órgano de contratación, independentemente da súa contía e número de anualidades, agás as que lle estean expresamente recoñecidas ao/a presidente/a e á Asemblea Metropolitana na presente lei e na normativa de réxime local.

f) As concesións de toda clase, así como a xestión, adquisición e alleamento do patrimonio.





XUNTA DE GALICIA

- g) A concertación de operacións de crédito.
- h) O exercicio das accións xudiciais e administrativas en materia da súa competencia.
- i) Exercer a potestade sancionadora, salvo que por lei estiver atribuída a outro órgano.
- j) A aprobación da relación de postos de traballo, as retribucións do persoal de acordo co orzamento aprobado pola Asemblea Metropolitana, a oferta de emprego público, as bases das convocatorias de selección e provisión dos postos de traballo, o número e réxime do persoal eventual, o nomeamento do persoal directivo e a separación do servizo dos funcionarios da Área Metropolitana, o despedimento do persoal laboral, o réxime disciplinario e as demais en materia de persoal que non estean expresamente atribuídas a outro órgano.
- k) Exercer as competencias que lle sexan delegadas pola Asemblea Metropolitana ou polo/a presidente/a.
- l) Nomear de entre os seus membros dous vicepresidentes.
- m) Nomear e separar o persoal eventual e de asesoramento.
- n) As demais que lle correspondan de acordo coas disposicións legais vixentes.

5. A Xunta de Goberno poderá delegar exclusivamente o exercicio das atribucións sinaladas nas letras c), d), e), f) e i) no presidente, nos vicepresidentes e no director xeral.

6. Con carácter xeral, o funcionamento da Xunta de Goberno réxese polo disposto na normativa de réxime local para a Xunta de Goberno Local, así como polo establecido no regulamento orgánico que, de ser o caso, se aprobe, e que deberá respectar, en todo caso, a antedita normativa.






XUNTA DE GALICIA

Artigo 12. COMITÉ DE COOPERACIÓN.


1. O Comité de Cooperación está composto por tres membros, que se distribúen do seguinte xeito:
 - a) Un/unha representante designado/a pola Xunta de Galicia.
 - b) Un/unha representante designado/a pola Deputación Provincial de Pontevedra.
 - c) Un/unha representante designado/a pola Área Metropolitana de Vigo.
2. No prazo máximo dun mes desde a constitución da Asemblea Metropolitana deberá procederse á constitución do Comité de Cooperación.
3. Serán funcións, entre outras, do Comité de Cooperación:
 - a) Coordinar as actuacións das administracións no ámbito territorial da Área Metropolitana.
 - b) Establecer fórmulas de cooperación e colaboración entre administracións.
 - c) Emitir informe preceptivo do proxecto do plan metropolitano cuadrienal no que afecte servizos de competencia compartida.
 - d) Promover de común acordo un catálogo de servizos que, sendo titularidade das diferentes administracións, poidan ser prestados no ámbito metropolitano. Os servizos incorporados a este catálogo poderán dar lugar aos acordos de delegación na Área Metropolitana mediante os mecanismos sinalados para o efecto nesta lei.
4. O Comité de Cooperación reunirase por proposta de calquera dos tres representantes, e en todo caso celebrará, como mínimo, dúas sesións ao ano.





XUNTA DE GALICIA

5. Cando a especificidade da materia así o requira, poderán asistir ás reunións do Comité de Cooperación outros representantes das administracións que o integren, así como persoal técnico, actuando con voz pero sen voto, e circunscritos unicamente á materia concreta que motive a súa incorporación transitoria.






XUNTA DE GALICIA

Artigo 13. COMISIÓN ESPECIAL DE CONTAS.

1. A Comisión Especial de Contas créase e constitúese en aplicación do establecido ao respecto pola lexislación de réxime local, e terá, así mesmo, as funcións que esta normativa lle atribúe.
2. As contas anuais someteranse antes do 1 de xuño a informe da Comisión Especial de Contas e serán así mesmo obxecto de información pública antes de someterse á aprobación do Asemblea Metropolitana, a fin de que poidan formularse contra elas reclamacións, reparos ou observacións.
3. Poderá denunciarse perante o Consello de Contas e o Tribunal de Contas a existencia de irregularidades na xestión económica e nas contas aprobadas.






XUNTA DE GALICIA

CAPÍTULO III. POTESTADES E COMPETENCIAS

SECCIÓN PRIMEIRA. DISPOSICIÓNS XERAIS

Artigo 14. POTESTADES.


1. Correspóndenlle á Área Metropolitana de Vigo, no eido das súas competencias, as potestades e prerrogativas atribuídas ás administracións públicas de carácter territorial pola lexislación de réxime local.
2. Á Área Metropolitana de Vigo ten, entre outras, as seguintes potestades:
 - a) Potestade normativa para a aprobación de regulamentos e ordenanzas.
 - b) Potestade tributaria, tarifaria e financeira.
 - c) Potestade de autoorganización.
 - d) Potestade de planificación e programación.
 - e) Potestade expropiatoria.
 - f) Potestade sancionadora.
 - g) Potestade de investigación, deslinde e recuperación de oficio dos seus bens.
 - h) Potestade de execución forzosa.
 - i) Potestade de revisión de oficio dos actos e acordos.
 - j) As demais potestades determinadas pola leis.
3. A Área Metropolitana de Vigo gozará, entre outras, das seguintes prerrogativas:
 - a) Presunción de legalidade e execución dos seus actos e acordos.





XUNTA DE GALICIA

- b) Inembargabilidade de bens e dereitos, nos termos establecidos nas leis.
 - c) Prelación, preferencia e outras prerrogativas recoñecidas na facenda pública en relación cos seus créditos, sen prexuízo das que corresponden ás finanzas do Estado e da comunidade autónoma e demais administracións públicas, nos termos establecidos pola normativa de aplicación.
 - d) Exención dos tributos do Estado e da Comunidade Autónoma, nos termos establecidos pola leis.
4. A potestade tributaria consistirá na posibilidade de establecer e exixir recargas, taxas e contribucións especiais de acordo coa lexislación do Estado reguladora das facendas locais e disposicións de desenvolvemento.
5. Así mesmo, a Área Metropolitana de Vigo, logo da correspondente encomenda ou delegación, poderá xestionar, liquidar, inspeccionar e recadar os tributos dos municipios que a integran.





XUNTA DE GALICIA

Artigo 15. ÁMBITO COMPETENCIAL.

1. A Área Metropolitana de Vigo exerce as competencias que lle atribúe a presente lei.

2. A Área Metropolitana de Vigo exercerá, nos termos establecidos nesta lei, competencias sobre as materias que a continuación se indican:


- a) Promoción económica, emprego e servizos sociais.
- b) Turismo e promoción cultural.
- c) Transporte público de viaxeiros.
- d) Medio ambiente, augas e xestión de residuos.
- e) Ordenación territorial e cooperación urbanística.
- f) Coordinación nas tecnoloxías da información e comunicación.

3. A Área Metropolitana de Vigo exercerá, ademais, as competencias cuxa titularidade lle poida ser transferida por outras leis.

4. A Área Metropolitana de Vigo exercerá aquelas outras competencias que lle sexan delegadas e cuxa titularidade corresponda á Xunta de Galicia, á Deputación Provincial de Pontevedra, á Administración do Estado así como aos municipios que a integran. O procedemento para a delegación axustarase á súa normativa reguladora.

5. A Área Metropolitana de Vigo poderá realizar actividades de carácter material, técnico ou de servizos de competencia doutras administracións públicas que lle sexan encomendadas por razóns de eficacia. O procedemento para a encomenda de xestión axustarase á súa normativa reguladora.

6. No exercicio das competencias atribuídas, a Área Metropolitana de Vigo integrará a dimensión da igualdade de oportunidades entre as mulleres e os homes, evitando calquera elemento de discriminación directa ou indirecta.





XUNTA DE GALICIA


Artigo 16. PLAN METROPOLITANO.

1. A Asemblea Metropolitana aprobará, no prazo máximo de seis meses desde a celebración da súa sesión constitutiva, o Plan metropolitano cuadrienal de actividades, obras e servizos, elaborado pola Xunta de Goberno Metropolitana, no cal deberán figurar expresamente:

- a) Os obxectivos da área metropolitana durante ese período.
- b) Os servizos, actividades e infraestruturas de competencia metropolitana que se van acometer.
- c) As fases de execución dos servizos, actividades e infraestruturas de competencia metropolitana anteditos.
- d) Os recursos económicos necesarios para a execución dos proxectos anteditos que deberán estar recollidos no plan de financiamento incluído nel.

2. A competencia para a elaboración do proxecto do Plan corresponderá á Xunta de Goberno metropolitano, que o someterá durante o prazo dun mes a informe do Comité de Cooperación previsto nesta lei no que afecte os servizos de competencia concorrente, e a información pública, para posteriormente elevalo á Asemblea Metropolitana, para os efectos da súa aprobación, xunto co informe emitido polo Comité de Cooperación e das alegacións que, de ser o caso, se producisen no trámite de información pública.

3. As obras e servizos comprendidos no Plan metropolitano cuadrienal levarán implícita, unha vez aprobado este, a declaración de utilidade pública e a necesidade de ocupación dos bens e dereitos afectados para os fins de expropiación ou imposición de servidumes.






XUNTA DE GALICIA

Artigo 17. SERVIZOS METROPOLITANOS.

1. Os servizos metropolitanos préstanse en todo o ámbito metropolitano e en beneficio de todos os municipios. Tamén se poden prestar nun municipio ou en distintos. No caso de que os servizos metropolitanos só se presten nun municipio ou en distintos, a fórmula de financiamento do servizo pode determinar as achegas económicas con que deben contribuír os municipios afectados, con independencia das que corresponden ao sistema xeral de financiamento da Área Metropolitana de Vigo segundo o establecido no artigo 31 desta lei.
2. Os servizos metropolitanos poderán xestionarse segundo as formas establecidas no artigo 85 da Lei 7/1985, do 2 de abril, de bases do réxime local.






XUNTA DE GALICIA

SECCIÓN SEGUNDA. PROMOCIÓN ECONÓMICA, EMPREGO E SERVIZOS SOCIAIS

Artigo 18. PROMOCIÓN ECONÓMICA E EMPREGO.

A Área Metropolitana de Vigo, neste ámbito competencial, exercerá as funcións de:

- a) Planificar, xestionar e avaliar programas e proxectos económicos e de emprego, que redunden no desenvolvemento socioeconómico da Área, con financiamento das outras administracións, con especial atención a aqueles que canalicen financiamento da Xunta de Galicia e das institucións da Unión Europea, en especial dentro do contexto de cooperación transfronteriza na Eurorrexión Galicia-Norte de Portugal, de acordo co marco competencial establecido na normativa vixente e sen prexuízo dos instrumentos de cooperación xa existentes ao respecto.
- b) Participar no establecemento das prioridades de desenvolvemento do territorio da Área Metropolitana de Vigo, colaborando coa Comunidade Autónoma de Galicia e coa Administración xeral do Estado na elaboración da programación dos Fondos Comunitarios.
- c) Promover un plan estratéxico metropolitano que, coa participación dos axentes económicos, sociais e institucionais, favoreza a modernización, a investigación e a innovación.
- d) Colaborar cos clusters industriais implantados no seu ámbito, fomentando o modelo de triple hélice, mediante a cooperación con outras administracións, a universidade e as empresas, propiciando a consolidación e retención de capital humano cualificado.






XUNTA DE GALICIA

Artigo 19. SERVIZOS SOCIAIS.

A Área Metropolitana de Vigo, neste ámbito competencial, exercerá as funcións de:

- a) Coordinar e xestionar todos os servizos sociais comunitarios, tanto os básicos coma os específicos no ámbito do seu territorio.
- b) Xestionar os servizos sociais especializados que lle sexan transferidos pola Xunta de Galicia de maneira coordinada cos servizos sociais que preste cada un dos concellos da Área.





XUNTA DE GALICIA

SECCIÓN TERCEIRA. TURISMO E PROMOCIÓN CULTURAL

Artigo 20. TURISMO E PROMOCIÓN CULTURAL.


1. A Área Metropolitana de Vigo, neste ámbito competencial, exercerá as funcións de:

- a) Planificar e xestionar os programas e proxectos para o desenvolvemento e coordinación das iniciativas culturais e turísticas que afecten os concellos incluídos na Área Metropolitana.
- b) Articular as necesarias fórmulas de cooperación e colaboración cos concellos afectados e coas entidades e organismos públicos e privados que interveñan como axentes de desenvolvemento dos proxectos.

2. Así mesmo, a Área Metropolitana de Vigo exercerá, en coördinación co órgano da Xunta de Galicia competente en materia de turismo, as seguintes funcións:

- a) Promocionar os recursos e a marca turística de Galicia, en coordinación con todos os entes locais afectados.
- b) Asesorar e apoiar tecnicamente os entes locais do seu ámbito territorial en calquera aspecto que mellore a súa competitividade turística.
- c) Articular, coordinar e fomentar as estratexias de promoción derivadas do ámbito privado do sector turístico.

d) Participar na formulación dos instrumentos de planificación turística no ámbito territorial da Área Metropolitana de Vigo.





XUNTA DE GALICIA

SECCIÓN CUARTA. TRANSPORTE PÚBLICO DE VIAXEIROS

Artigo 21. TRANSPORTE PÚBLICO DE VIAXEIROS.

1. A Área Metropolitana de Vigo, neste ámbito competencial, exercerá as seguintes funcións:

- a) Ordenar, xestionar, planificar, inspeccionar e sancionar os servizos de transporte público urbano de titularidade dos municipios que a integran, así como das concesións de carácter interurbano que atendan exclusivamente tráfico no ámbito da Área Metropolitana de Vigo. Estas facultades exerceranse de conformidade coa lexislación sectorial que resulte de aplicación e sen prexuízo das facultades que corresponden á Xunta de Galicia de coordinación do sistema xeral de transportes.
- b) Ordenar e intervir administrativamente os servizos de transporte marítimo de persoas con orixe e destino nos municipios incluídos na Área Metropolitana de conformidade co disposto na lexislación vixente.
- c) Ordenar e intervir administrativamente o servizo de taxi no ámbito territorial da Área Metropolitana no marco que estableza a lexislación pola que se regule o transporte público de persoas en vehículos turismo.


2. A Xunta de Galicia exercerá en exclusividade as competencias xerais previstas na lexislación sectorial sobre os servizos de transporte presentes na Área Metropolitana de Vigo que teñan tráfico con puntos situados fóra do seu ámbito territorial. Os novos servizos metropolitanos deberán respectar a unidade económica dos servizos de competencia autonómica.

3. O exercicio das competencias previstas no punto 1 deberá coordinarse, de conformidade co previsto na lexislación aplicable en materia de transporte urbano e interurbano, coas que lle correspondan á Xunta de Galicia como titular de servizos non metropolitanos.



XUNTA DE GALICIA

4. As actuacións executadas pola Área Metropolitana de Vigo en materia de transportes coordinaranse coa planificación efectuada pola Xunta de Galicia coa finalidade de lles ofertar aos usuarios do transporte na Comunidade Autónoma un sistema integrado de transporte. Para tal fin, e neste marco, Área Metropolitana de Vigo procederá á elaboración dun plan de explotación do servizo do transporte público metropolitano, que será tramitado e aprobado consonte o previsto na Lei 6/1996, do 9 de xullo, de coordinación dos servizo de transporte urbanos e interurbanos por estrada de Galicia, e que integrará as previsións do Plan de Transporte Metropolitano de Galicia.






XUNTA DE GALICIA

SECCIÓN QUINTA. MEDIO AMBIENTE, AUGAS E XESTIÓN DE RESIDUOS

Artigo 22. PLANIFICACIÓN E XESTIÓN MEDIOAMBIENTAL

A Área Metropolitana de Vigo, neste ámbito competencial, exercerá as seguintes funcións:


- a) Elaborar e coordinar un plan de actuación metropolitana para a protección do medio ambiente, a saúde e a biodiversidade.
- b) Establecer unha estratexia metropolitana de loita contra o cambio climático co obxectivo de impulsar políticas conxuntas de loita contra o cambio climático en coordinación cos programas que sobre a materia estableza a Xunta de Galicia, en particular, en aspectos vinculados coa enerxía, o transporte, a edificación e a planificación urbanística.
- c) Establecer unha estratexia conxunta dos municipios en materia de contratacións públicas que incorpore criterios obrigatorios de sustentabilidade e de loita contra o cambio climático.
- d) Elaborar a Axenda 21 metropolitana.
- e) Cooperar cos municipios para programar as políticas de ordenación ambiental.
- f) Instaurar os instrumentos de contabilidade enerxética municipais, co fin de coñecer e controlar os consumos, evitar consumos innecesarios e promover medidas de aforro, así como identificar e adoptar boas prácticas na xestión enerxética municipal dos municipios integrantes da Área.
- g) Elaborar o plan de mobilidade sustentable, establecendo as bases para impulsar a cooperación con outras administracións, institucións e entidades con competencias sobre o transporte, co obxectivo de planificar e coordinar os sistemas de transporte multimodal (tren de alta velocidade, transporte aeroportuario, ferrocarril de proximidade, transporte terrestre, transporte marítimo, autoestradas do mar, etc.).





XUNTA DE GALICIA

- h) Promover e potenciar o transporte sustentable, fomentar os vehículos híbridos e eléctricos. Elaborar un mapa de electrolineiras metropolitano. Promover a instalación de autoservizos de alugamento de coches eléctricos para viaxes curtas, con estacións de alugamento para media xornada ou xornada completa.
- i) Conservar e xestionar os espazos naturais supramunicipais.
- j) Colaborar cos concellos integrantes no control da contaminación acústica, así como na elaboración de ordenanzas sobre ruídos e vibracións e de mapas de ruído de ámbito municipal, e promover ante a Xunta de Galicia a elaboración de mapas de ruído supramunicipais, logo de identificación daquelas áreas en que se produza o incumprimento dos obxectivos de calidade acústica.
- k) Promover e, de ser o caso, xestionar as instalacións públicas e privadas de enerxías renovables.
- l) Planificar e coordinar as medidas de aforro enerxético e a introdución paulatina de utilización de enerxías renovables como estratexia de xestión da demanda enerxética, coa finalidade de aforrar enerxía de orixe fósil e diminuír a dependencia enerxética.






XUNTA DE GALICIA

Artigo 23. AUGAS.

1. A Área Metropolitana de Vigo intervirá na planificación hidrolóxica a través da súa participación nos organismos correspondentes, de conformidade co previsto na lexislación aplicable. A presente lei garante a súa representación no Consello Reitor do ente Augas de Galicia.

2. A Área Metropolitana de Vigo, neste ámbito competencial, asumirá a xestión do ciclo completo da auga, definido como tal na lexislación sectorial de augas, que comprende, entre outras:

- a) Abastecemento de auga en alta ou adución, que inclúe a captación, o nacemento e a represa dos recursos hídricos e a súa xestión, incluído o tratamento de potabilización, o transporte por arterias principais e o abrollamento en depósitos reguladores de cabeceira dos núcleos de poboación.
- b) A subministración da auga en baixa ou distribución, que inclúe o almacenamento intermedio e a subministración de auga potable ata as instalacións propias para o consumo por parte das persoas usuarias finais.
- c) A recollida de augas residuais ou da rede de sumidoiros dos núcleos de poboación a través das redes municipais ata o punto de interceptación cos colectores xerais. A interceptación e transporte das augas residuais a través dos colectores xerais.
- d) O tratamento e depuración de augas residuais urbanas.




3. De acordo co sinalado nos puntos anteriores e de conformidade coa normativa que resulte de aplicación, para exercer as súas competencias en materia de augas, a Área Metropolitana realizará, manterá e conservará as infraestruturas precisas, executará as obras necesarias, agás aquelas declaradas de interese da comunidade autónoma ou de interese xeral do Estado, e organizará a prestación dos correspondentes servizos.

4. Con carácter previo ao inicio da prestación dos seus servizos, a Área Metropolitana elaborará as ordenanzas polas que estes se deberán rexer, as



XUNTA DE GALICIA

cales se someterán ao ente Augas de Galicia nos supostos previstos no artigo 89 do vixente texto refundido da Lei de augas, aprobado polo Real decreto legislativo 1/2001, do 20 de xullo, polo que se aproba o texto refundido da Lei de augas. En todo caso, as ordenanzas deberán dar cumprimento aos regulamentos marco dos servizos de saneamento e abastecemento ditados en desenvolvemento da lexislación de augas de Galicia.






XUNTA DE GALICIA

Artigo 24. XESTIÓN DE RESIDUOS.

A Área Metropolitana de Vigo, neste ámbito competencial, exercerá as seguintes funcións :

- a) Elaborar e aprobar o seu plan metropolitano de xestión de residuos segundo o procedemento previsto pola normativa de residuos e de conformidade cos plans autonómicos sobre a materia, incluíndo a instalación dos puntos limpos e infraestruturas necesarias para a recepción daqueles residuos que requiran dunha xestión específica polo seu tamaño, características ou composición.
 1. O inicio da tramitación do plan metropolitano de residuos será comunicado á Xunta de Galicia co fin de que a consellería con competencias sobre medio ambiente decida sobre a necesidade de someter o dito plan aos trámites de avaliación ambiental estratéxica.
 2. A aprobación definitiva do plan por parte da Área Metropolitana requirirá, en todo caso, informe previo favorable da consellería da Xunta de Galicia competente en materia de xestión de residuos sobre a súa compatibilidade cos obxectivos previstos na planificación autonómica
- b) Asumir a xestión da recollida, transporte, valorización e eliminación de todo tipo de residuos urbanos, considerándose para todos os efectos como parte do plan autonómico de residuos.






XUNTA DE GALICIA

SECCIÓN SEXTA. ORDENACIÓN TERRITORIAL E COOPERACIÓN URBANÍSTICA

Artigo 25. ORDENACIÓN TERRITORIAL.

1. No marco da planificación territorial e sectorial da Xunta de Galicia, a ordenación territorial e urbanística integrada do territorio da Área Metropolitana de Vigo levarase a cabo mediante os seguintes instrumentos:

- a) O Plan Territorial Integrado Metropolitano.
- b) Os plans e proxectos sectoriais metropolitanos.





XUNTA DE GALICIA

Artigo 26. PLAN TERRITORIAL INTEGRADO METROPOLITANO.


1. En desenvolvemento das Directrices de ordenación do territorio de Galicia, a Área Metropolitana de Vigo redactará un Plan Territorial Integrado Metropolitano, de acordo coa lexislación aplicable en materia de ordenación do territorio.

Para a redacción do Plan Territorial Integrado establecerase un procedemento de colaboración coa consellería competente en materia de ordenación do territorio para garantir a súa coherencia territorial co sistema de planificación en serie establecido coas Directrices de ordenación do territorio.

2. No ámbito das súas competencias, o Plan Territorial Integrado Metropolitano ten como misión a organización do territorio metropolitano, polas súas características homoxéneas, de tamaño e as súas relacións funcionais, que fan necesaria unha planificación infraestrutural e de equipamentos de tipo metropolitano e carácter integrado, de cara a un desenvolvemento sustentable e equilibrado de todos os concellos integrantes.

3. As determinacións do Plan Territorial Integrado Metropolitano serán as establecidas no artigo 13 da Lei 10/1995, do 23 de novembro, de ordenación do territorio de Galicia.

4. O Plan Territorial Integrado Metropolitano da Área Metropolitana de Vigo elaborárase no marco das Directrices de ordenación do territorio de Galicia e deberá respectar en todo os diferentes plans territoriais integrados que afecten total ou parcialmente o ámbito territorial da Área Metropolitana de Vigo.






XUNTA DE GALICIA

Artigo 27. PLANS E PROXECTOS SECTORIAIS METROPOLITANOS.

Os plans e proxectos sectoriais metropolitanos, no marco das determinacións vinculantes establecidas polo Plan Territorial Integrado Metropolitano, terán como finalidade algunha das establecidas no parágrafo 1 do artigo 22 da Lei 10/1995, do 23 de novembro, de ordenación do territorio de Galicia.

No ámbito das súas competencias, a cualificación de incidencia supramunicipal dos plans e proxectos sectoriais metropolitanos corresponderá á Asemblea Metropolitana.






XUNTA DE GALICIA

Artigo 28. COOPERACIÓN EN MATERIA URBANÍSTICA.

A Área Metropolitana de Vigo poderá exercer funcións de asistencia e cooperación cos municipios integrados nela, especialmente cos de menor capacidade económica e de xestión, para colaborar no cumprimento das súas obrigas urbanísticas.






XUNTA DE GALICIA

Artigo 29. COMISIÓN DE ORDENACIÓN DO TERRITORIO E URBANISMO DA ÁREA METROPOLITANA DE VIGO.


1. Créase a Comisión de Ordenación do Territorio e Urbanismo da Área Metropolitana de Vigo como órgano de coordinación interadministrativa en materia de ordenación do territorio e urbanismo adscrito á consellería competente en materia de ordenación do territorio e urbanismo.
2. A presidencia da Comisión de Ordenación do Territorio e Urbanismo da Área Metropolitana de Vigo corresponde á persoa titular da consellería competente en materia de ordenación do territorio e urbanismo ou persoa en quen delegue, e estará integrada por vinte membros ademais do presidente da Comisión, dez en representación da Administración da Xunta de Galicia e dez en representación da Área Metropolitana de Vigo, cinco dos cales serán elixidos polo Concello de Vigo en proporción ao número de concelleiros que teña cada grupo político no Pleno.
3. Corresponde á Comisión de Ordenación do Territorio e Urbanismo da Área Metropolitana de Vigo:
 - a) A articulación do Plan Territorial Integrado Metropolitano cos demais plans territoriais integrados que afecten o seu territorio, cuxas determinacións serán vinculantes para aquel.
 - b) A aprobación definitiva do Plan Territorial Integrado Metropolitano e dos plans e proxectos sectoriais formulados e tramitados pola Área Metropolitana de Vigo consonte o previsto nos artigos 26 e 27 desta lei.
 - c) A aprobación definitiva dos plans xerais de ordenación municipal dos concellos integrantes e as súas modificacións, cuxa competencia segundo a normativa vixente corresponde ao conselleiro, no marco do Plan Territorial Integrado Metropolitano. Para estes efectos será necesario que estea aprobado definitivamente o Plan Territorial Integrado Metropolitano.
 - d) O exercicio das demais competencias que en materia de ordenación territorial e urbanística da Área Metropolitana de Vigo lle delegue a Administración da Xunta de Galicia.





XUNTA DE GALICIA

3. Por decreto do Consello da Xunta de Galicia determinarase o réxime de organización e funcionamento da Comisión de Ordenación do Territorio e Urbanismo da Área Metropolitana de Vigo.






XUNTA DE GALICIA

SECCIÓN SÉTIMA. COORDINACIÓN NAS TECNOLOXÍAS DA INFORMACIÓN E COMUNICACIÓN.

Artigo 30. CONCELLOS EN REDE.

Os concellos da Área Metropolitana de Vigo, co obxecto de melloraren a eficacia e garantiren o acceso dos cidadáns á internet e promoveren a súa participación, crearán e xestionarán unha plataforma informática común, que permitirá, entre outras cousas:

- a) Elaborar un catálogo de prestacións e servizos en liña común para todos os cidadáns da Área.
- b) Unificar determinados trámites administrativos a través da rede para que sexan facilmente identificables e realizables polos cidadáns.
- c) Cooperar cos concellos para que incrementen este tipo de prestacións en liña para os cidadáns.
- d) Promover e estender o uso da internet e das novas tecnoloxías no ámbito de actuación da Área.
- e) Centralizar e coordinar os servizos técnicos informáticos, na procura da redución de custos, da optimización de recursos e da instauración de economías de escala.





XUNTA DE GALICIA

CAPÍTULO IV. FACENDA DA ÁREA METROPOLITANA

Artigo 31. FACENDA DA ÁREA METROPOLITANA DE VIGO.

1. A facenda da Área Metropolitana de Vigo estará constituída polos seguintes recursos:

a) Os ingresos procedentes do seu patrimonio e demais de dereito privado.

b) Os tributos propios, clasificados en taxas e contribucións especiais, nos termos da lexislación aplicable en materia de facendas locais.

c) As achegas económicas dos municipios integrados na Área Metropolitana, que serán fixadas pola Asemblea Metropolitana, logo de proposta da Xunta de Goberno Metropolitana, e consistirán:


1. Nunha cantidade fixa por habitante igual para cada concello que, necesariamente, deberá cubrir o sistema xeral de financiamento da Área Metropolitana de Vigo, consonte o establecido no artigo 13.4 desta lei.

2. Unha cantidade, que será acordada nas comisións mixtas paritarias e dependerá dos servizos transferidos, calculada segundo as premisas de austeridade e non incremento do gasto público e determinada polo custo efectivo neto.

Para tal fin, os concellos integrados na Área Metropolitana consignarán, nos seus orzamentos, as cantidades precisas.

Se as achegas económicas non se efectuaren, a Área Metropolitana, a través do seu presidente, poderá solicitarlle á Comunidade Autónoma que reteña, logo de instrución do correspondente procedemento, e con cargo ao Fondo de Cooperación Local, os fondos do municipio debedor ata a contía en que se cifre a débeda en cuestión e os ingrese na facenda da Área Metropolitana.

d) As transferencias, subvencións e achegas en xeral provenientes doutras administracións públicas, incluídas as achegas dirixidas ao






XUNTA DE GALICIA

financiamento de servizos e competencias específicos previamente traspasados, delegados ou encomendados calculadas segundo a premisa de non incremento do gasto público determinadas polo custo efectivo neto. As achegas dos servizos traspasados pola Xunta de Galicia serán acordadas nas comisións mixtas paritarias segundo o establecido nesta lei.

Tamén, de ser o caso, as que se puideren conceder con carácter non finalista.

- e) O produto das operacións de crédito.
 - f) Os percibidos en concepto de prezos públicos.
 - g) O produto das multas e sancións que a Área Metropolitana poida impoñer no ámbito das súas competencias.
 - h) As demais prestacións de dereito público.
 - i) Os recursos procedentes da UE e de programas comunitarios.
 - j) Recursos que, con carácter de afectados, puideren establecerse nos orzamentos xerais do Estado en concepto de financiamento de determinados servizos específicos.
 - k) As doazóns de entidades particulares.
 - l) Calquera outro que lle corresponda percibir ou, de ser o caso, se estableza de acordo coas leis.
- O seu réxime orzamentario e contable será o que se sinala na lexislación aplicable en materia de facendas locais.





XUNTA DE GALICIA

CAPÍTULO V. PERSOAL DA ÁREA METROPOLITANA

Artigo 32. PERSOAL DA ÁREA METROPOLITANA DE VIGO.

1. A Área Metropolitana de Vigo poderá contar cos seguintes empregados/as públicos:


- a) O persoal funcionario de carreira
- b) O persoal funcionario interino
- c) Persoal laboral
- d) Persoal eventual
- e) Persoal directivo

2. A Área Metropolitana formará a relación de todos os postos de traballo existentes na súa organización baixo criterios de austeridade e non incremento do gasto público, polo que promoverá a mobilidade do persoal entre a Área Metropolitana e os municipios que forman parte dela facendo as previsións respectivas e segundo o establecido no Estatuto básico do empregado público e a normativa autonómica de aplicación ás entidades locais.

3. O persoal da Área Metropolitana de Vigo será principalmente persoal traspasado das diferentes administracións que transfiran competencias e servizos. No suposto de que a Área Metropolitana queira incorporar persoal non traspasado, a Xunta de Goberno Metropolitana deberá presentar unha proposta xurídica, económica e de oportunidade que será aprobada por maioría absoluta pola Asemblea Metropolitana.

4. O/a director/a xeral, se se crea segundo o artigo 3.3 desta norma, terá en todo caso a consideración de persoal directivo. O persoal directivo deberá ser un/unha funcionario/a de carreira ou laboral das administracións públicas ou un/unha profesional do sector privado, titulado/a superior en ambos casos e con máis de cinco anos de exercicio profesional no segundo.

O/a director/a exercerá, de ser o caso, as seguintes funcións:






XUNTA DE GALICIA

- a) Impulsar e dirixir os servizos técnicos e administrativos que se creen para o exercicio das competencias da Área Metropolitana.
- b) Velar polo establecemento de métodos de xestión que garantan unha prestación eficiente e de calidade dos servizos metropolitanos.

Ao persoal directivo sonlle de aplicación as causas de incapacidade e incompatibilidade establecidas para os membros das corporacións locais e o establecido pola lexislación xeral para o persoal ao servizo das administracións públicas.

O persoal directivo pode asistir ás sesións dos órganos de goberno da Área Metropolitana de Vigo se é requirido polo presidente ou presidenta ou así o solicita a maioría dos membros.

5. O réxime xurídico aplicable ao persoal da Área Metropolitana será o previsto na lexislación vixente para o persoal ao servizo das entidades locais






XUNTA DE GALICIA

Artigo 33. OFERTA DE EMPREGO PÚBLICO.

A Área Metropolitana de Vigo aprobará anualmente a súa oferta pública de emprego, promovendo a inxibilidade do persoal entre a Área Metropolitana e os municipios que forman parte dela e onde se expresarán as necesidades de recursos humanos, con asignación orzamentaria e autorización da Asemblea Metropolitana, cando deban proveerse mediante a incorporación de persoal de novo ingreso.






XUNTA DE GALICIA

Artigo 34. FUNCIONARIOS CON HABILITACIÓN DE CARÁCTER ESTATAL.

1. Serán funcións públicas necesarias na Área Metropolitana de Vigo cuxa responsabilidade administrativa estará reservada a funcionarios con habilitación de carácter estatal:
 - a) A de secretaría, comprensiva da fe pública e o asesoramento legal preceptivo.
 - b) O control e a fiscalización interna da xestión económico-financeira e orzamentaria e a contabilidade, tesouraría e recadación.
2. A clasificación e provisión dos postos de traballo reservados a funcionarios/as con habilitación de carácter estatal na Área Metropolitana de Vigo será a regulada na normativa sobre o exercicio das competencias da Comunidade Autónoma de Galicia respecto dos/as funcionarios/as con habilitación de carácter estatal.
3. O réxime xurídico aplicable aos funcionarios con habilitación de carácter estatal da Área Metropolitana de Vigo será o previsto na lexislación vixente para estes empregados públicos.






XUNTA DE GALICIA

DISPOSICIÓN ADICIONAIS

DISPOSICIÓN ADICIONAL PRIMEIRA. Constitución da primeira Asemblea Metropolitana.

1. Cada concello, no prazo de trinta días desde a entrada en vigor da presente lei, debe convocar a sesión ou sesións extraordinarias do Pleno para elixir os seus representantes á Asemblea Metropolitana que non sexan membros natos dela.
2. A primeira sesión constitutiva da Asemblea Metropolitana realizarase no prazo de tres meses desde a entrada en vigor desta lei e a súa convocatoria corresponderá ao alcalde ou alcaldesa do municipio de Vigo.
3. Constitúese unha Mesa de Idade, integrada polos representantes de maior e menor idade presentes na sesión, e na cal actuará como secretario/a na primeira constitución o/a secretario/a xeral do Pleno do Concello de Vigo.






XUNTA DE GALICIA

DISPOSICIÓN ADICIONAL SEGUNDA. Cesación da participación dos concellos noutros entes asociativos.

1. No caso de entidades asociativas supramunicipais cuxo ámbito territorial e competencial estea incluído integramente dentro do ámbito territorial da Área Metropolitana de Vigo, soamente se poderá xustificar a súa non disolución ou a creación dunha nova cando desenvolvan actividades con características especiais e que por razóns de eficacia xustifiquen o desenvolvemento de tales funcións por unha entidade supramunicipal diferente da Área Metropolitana de Vigo.

2. Constituída a Asemblea Metropolitana e mediante unha Comisión Mixta, os órganos de goberno deberán poder acordar cos da Mancomunidade Intermunicipal de Vigo o procedemento e as condicións en que deben ser traspasados á Área Metropolitana de Vigo os servizos, os medios materiais, financeiros e persoais, os dereitos e obrigas de titularidade da Mancomunidade, así como todo canto proceda para os efectos da substitución da Mancomunidade pola Área Metropolitana de Vigo nos órganos, organismos, institucións, consorcios, sociedades e demais entes públicos e privados dos que forma parte ou en que está representada. Os municipios mancomunados, previamente ao que se determina ao principio deste parágrafo, deben manifestar a vontade de participar, de conformidade cos preceptos legais e estatutarios de aplicación, na disolución, se procede, da Mancomunidade Intermunicipal de Vigo.






XUNTA DE GALICIA

DISPOSICIÓN ADICIONAL TERCEIRA. Participación das outras administracións no exercicio das competencias asumidas pola Área Metropolitana de Vigo.

Os concellos integrados na Área Metropolitana de Vigo e a Deputación non poderán dotar créditos nos seus orzamentos nin aprobar expedientes de gasto para o recoñecemento de obrigas naquelas competencias cuxos servizos fosen efectivamente traspasados. A Xunta de Galicia e o resto de administracións que traspasen servizos á Área Metropolitana de Vigo tampouco poderán executar gasto para o financiamento destes servizos transferidos.





XUNTA DE GALICIA

DISPOSICIÓN ADICIONAL CUARTA. Traspaso de servizos e funcións da Comunidade Autónoma á Área Metropolitana de Vigo.

1. O traspaso efectivo dos medios e servizos que con anterioridade á entrada en vigor desta lei eran exercidos pola Comunidade Autónoma efectuarase logo dos acordos de transferencia correspondentes conforme o disposto na normativa aplicable e nos seguintes puntos.

2. Para o procedemento de traspaso dos medios e servizos necesarios para o exercicio das competencias transferidas desde a Comunidade Autónoma á Área Metropolitana de Vigo créase unha Comisión Mixta Paritaria integrada por un máximo de seis membros.

A comisión será presidida polo conselleiro competente en materia de réxime local e formará parte dela, sempre, o conselleiro competente na materia obxecto do traspaso, así como un representante da Consellería de Facenda.


A principal función deste órgano será concretar os termos en que os traspasos se deban realizar no que se refire ao custo dos servizos, medios materiais e humanos, condicións de exercicio e demais necesarios. O traspaso de medios e servizos que se efectúe desde a Comunidade Autónoma á Área Metropolitana deberá ir acompañado dunha adecuada e suficiente transferencia de recursos a favor desta última que lle garanta un óptimo e efectivo desempeño das competencias transferidas.

Elaboradas por consenso de ambas as representacións as propostas de traspaso, solicitarase, antes da súa elevación ao Consello da Xunta de Galicia, informe da Comisión Galega de Cooperación Local.

A materialización da transferencia requirirá a aprobación tanto polo Consello da Xunta de Galicia como pola Asemblea Metropolitana das propostas consensuadas nas comisións mixtas paritarias .

3. As propostas das comisións paritarias mixtas deberán conter, en todo caso, sen prexuízo das adaptacións que procedan, as seguintes previsións:


- a) Referencia ás normas legais que xustifican o traspaso.





XUNTA DE GALICIA


- b) Relación das competencias e servizos que se traspasan, así como a relación dos que reserva para si a Administración transferente.
- c) Identificación concreta, de ser o caso, e especificación daquelas funcións concorrentes e compartidas entre ambas as administracións, determinando as formas institucionais de cooperación entre elas.
- d) Inventario detallado dos bens, dereitos e obrigas da Administración que estean adscritos á prestación do servizo que se transfira, con especificación dos datos que permitan a correcta identificación dos bens inmoebles e con determinación dos contratos afectados polo traspaso.
- e) Relacións nominais do persoal adscrito aos servizos que se transfiren, con expresión do seu número de rexistro de persoal e, ademais, se se trata de funcionarios, corpo, posto de traballo, situación administrativa e réxime de retribucións básicas e complementarias. No caso de persoal laboral expresarase a súa categoría, posto de traballo e réxime de retribucións.
- f) Relación de vacantes, dotadas orzamentariamente, dos servizos que se traspasan, con indicación do corpo a que están adscritas, nivel orgánico e importe da dotación económica.
- g) Valoración do custo efectivo do servizo, tendo en conta que, cando se traspasen servizos cuxa prestación estea gravada con taxas ou reporte ingresos de dereito privado, o seu importe minorará a valoración do custo efectivo do servizo transferido. Enténdese por custo efectivo o que corresponda ao gasto corrente, así como, de ser o caso, o gasto de novo investimento e de reposición e as subvencións condicionadas.
- h) O custo efectivo neto dos servizos traspasados, calculado segundo o parágrafo 2 da disposición adicional quinta, e as modificacións que, de ser o caso, se deban operar nos orzamentos municipais, así como os criterios de actualización no futuro ou a porcentaxe equivalente sobre os ingresos dos ditos orzamentos.





XUNTA DE GALICIA

- i) Referencia á documentación administrativa referida á competencia ou servizo transferido.
- j) Data de efectividade do traspaso, antes da cal deberán terse formalizado cantos documentos e actuacións sexan precisos para garantir a titularidade e dispoñibilidade pola Área Metropolitana dos bens e dereitos que se transfiran.





XUNTA DE GALICIA


DISPOSICIÓN ADICIONAL QUINTA. Subrogación da titularidade das concesións e traspaso de empregados públicos.

1. A aprobación dos acordos de transferencia suporá a subrogación na titularidade de todas as concesións dos servizos públicos e de todos os contratos administrativos formalizados que pasen a ser competencia da Área Metropolitana de Vigo e que estean en vigor no momento en que se faga efectiva a asunción da dita xestión.

2. O método de cálculo do custo efectivo neto dos servizos transferidos á Área Metropolitana de Vigo vén determinado polo cálculo do custo efectivo da prestación do servizo no momento da transferencia, entendendo por custo efectivo o importe total comprensivo do gasto corrente e o de reposición segundo a letra g) do parágrafo 3 da disposición anterior, así como tamén das subvencións co carácter de condicionadas, se as houber. Calculado o dito importe total, habería que determinar a carga neta asumida por cada Administración delegante, que virá dada pola diferenza entre o custo efectivo e o importe da recadación líquida obtida por taxas e ingresos que graven a prestación do servizo transferido.

3. Aos empregados/as públicos/as que no marco do disposto nesta lei pasen a prestar servizos noutra Administración pública, respectaráselles, en todo caso, o grupo do corpo ou escala de procedencia, así como os dereitos económicos inherentes ao grao persoal que tiveren consolidados.

Os/as empregados/as públicos/as transferidos permanecerán, polo que se refire ao seu corpo e escala da Administración de orixe, nunha situación administrativa especial de servizos que lles permita manter respecto deles todos os seus dereitos coma se estivesen en servizo activo, de acordo co establecido na lexislación básica do Estado e de desenvolvemento autonómico.






XUNTA DE GALICIA

DISPOSICIÓN ADICIONAL SEXTA. Traspaso de servizos e funcións das entidades locais territoriais á Área Metropolitana de Vigo.

1. Cando se trate de competencias da Deputación, os concellos ou outras entidades locais atribuídas por esta lei á Área Metropolitana de Vigo, constituirase para cada entidade local unha comisión paritaria mixta integrada por tres representantes do respectivo ente, elixidos polo Pleno ou órgano equivalente, e outros tres da Área Metropolitana elixidos pola Asemblea Metropolitana.

2. A comisión será presidida polo presidente da Área Metropolitana de Vigo e formarán parte dela, sempre que existan na Administración metropolitana, os seus vicepresidentes; se non, serán nomeados os dous representantes metropolitanos pola Xunta de Goberno Metropolitana. Os representantes do concello serán elixidos polo Pleno e serán sempre membros natos da comisión os alcaldes.

3. A materialización do traspaso realizarase nos termos establecidos nas dúas disposicións anteriores, así como pola normativa autonómica vixente, e requirirá a aprobación tanto polo órgano competente da corporación local, segundo o establecido na lexislación básica de réxime local, como pola Asemblea Metropolitana das propostas consensuadas nas comisións mixtas paritarias.






XUNTA DE GALICIA

DISPOSICIÓN ADICIONAL SÉTIMA. Vinculación do ámbito territorial da Área Metropolitana.

Para os efectos de elaboración dos distintos instrumentos de planificación autonómica, exceptuando aqueles instrumentos de ordenación territorial establecidos no artigo 27, a Área Metropolitana de Vigo terá a consideración de área de delimitación territorial preferente para efectos da planificación organizativa a que se refira.






XUNTA DE GALICIA

DISPOSICIÓN ADICIONAL OITAVA. Ampliación do ámbito territorial.

O ámbito territorial establecido no artigo 2 desta lei poderá ser ampliado por decreto do Consello da Xunta de Galicia logo de audiencia do concello afectado, da Comisión Galega de Delimitación Territorial, da Asemblea Metropolitana e da consellería con competencias en materia de réxime local.

A ampliación establecida nesta disposición só será aplicable a aqueles concellos que sexan limítrofes con algún outro que xa forme parte da Área Metropolitana e entre cuxos núcleos de poboación se dean as mesmas vinculacións económicas e sociais que fixeron necesaria a planificación conxunta e a coordinación dos servizos que recolle esta lei.






XUNTA DE GALICIA

DISPOSICIÓN TRANSITORIAS

DISPOSICIÓN TRANSITORIA PRIMEIRA. Acordos que afecten servizos transferidos.

No regulamento orgánico poderase prever que nos acordos da Asemblea Metropolitana, a Xunta de Goberno Metropolitana e o resto de órganos complementarios en que estean presentes conselleiros metropolitanos e que afecten servizos transferidos unicamente poidan participar aqueles representantes dos concellos que transferisen os ditos servizos ou ben establecer mecanismos de repartición proporcional destes.






XUNTA DE GALICIA

DISPOSICIÓN TRANSITORIA SEGUNDA. Procedemento de designación dos conselleiros metropolitanos do artigo 6.4.b).

Ata que o regulamento orgánico estableza outro sistema de designación dos conselleiros metropolitanos, e en todo caso para a constitución da primeira Asemblea Metropolitana, o procedemento de designación dos representantes do artigo 6.4.b) terá carácter regrado para cada concello e levarase a cabo polo sistema D'Hont segundo as seguintes regras:

- a) Ordénanse de maior a menor nunha columna as cifras de concelleiros que acadou cada candidatura no concello nas eleccións municipais.
- b) Divídese o número de concelleiros obtidos por cada candidatura entre 1,2,3, etcétera ata o número de representantes que lle corresponde a ese concello segundo o artigo 5.2. Os conselleiros metropolitanos atribúense ás candidaturas que obteñan cocientes maiores atendendo a unha orde descendente. No caso de empate no cociente no derradeiro conselleiro metropolitano, este corresponderá a aquela candidatura que obtivese maior número de votos.
- c) Cando o alcalde ou membro nato pertenza a unha candidatura con representación segundo o parágrafo anterior, este será un dos conselleiros que lle correspondan ao concello. Se o alcalde ou membro nato non pertence a unha candidatura con representación segundo o parágrafo anterior, este será un dos conselleiros metropolitanos que lle corresponde ao concello, e o resto distribuirase segundo o sistema do parágrafo anterior.






XUNTA DE GALICIA

DISPOSICIÓN TRANSITORIA TERCEIRA. Xestión do abastecemento de alta.

A Área Metropolitana asumirá a xestión do abastecemento en alta fixando as tarifas que se cobrarán aos concellos que se subministren dos encoros, aínda que estes concellos non transferisen á Área Metropolitana de Vigo efectivamente a xestión do ciclo integral da auga por non teren rematado os procedementos de traspaso destes servizos.

Entenderase como abastecemento en alta o definido como tal na lexislación sectorial de augas.





XUNTA DE GALICIA

DISPOSICIÓN DERRADEIRAS

DISPOSICIÓN DERRADEIRA PRIMEIRA. Modificación da Lei 10/1995, do 23 de novembro, de ordenación do territorio de Galicia.

1. Engádesse un novo artigo 15.bis, que queda coa seguinte redacción:

“Artigo 15.bis. Procedemento de aprobación de plans territoriais integrados de ámbito metropolitano.


1. Corresponde á Asemblea Metropolitana acordar a iniciación do procedemento de elaboración. Este acordo será motivado e sinalará as causas que o xustifiquen.

De non iniciarse o procedemento de elaboración no prazo de dous anos, contados desde a constitución da Área Metropolitana, a consellería competente en materia de ordenación do territorio poderá subrogarse no exercicio desta iniciativa. Iniciado o correspondente expediente pola consellería, a Área Metropolitana deberá absterse de toda actuación no mesmo asunto desde o momento en que reciba a oportuna comunicación, e remitirá á citada consellería cantas actuacións practicase, sen prexuízo da participación que lle poida corresponder no expediente iniciado pola Comunidade Autónoma de Galicia.

Este acordo, que deberá ser publicado no *Diario Oficial de Galicia*, no *Boletín Oficial da Provincia* a que pertenza a Área Metropolitana e polo menos en dous dos xornais dos de maior circulación no ámbito territorial da Área Metropolitana, notificarase, ademais, aos concellos afectados e á deputación provincial respectiva.

2. Unha vez acordada a iniciación do Plan Territorial Integrado, establecerase un procedemento de colaboración coa consellería competente en materia de ordenación do territorio para garantir a súa coherencia territorial co sistema de planificación en serie establecido coas Directrices de ordenación do territorio.

3. Redactado o Plan Territorial Integrado Metropolitano, e antes da súa aprobación inicial pola Asemblea Metropolitana, someterase a informe das





XUNTA DE GALICIA

corporacións locais integrantes da Área Metropolitana, que o emitirán no prazo máximo de dous meses.

Ao mesmo tempo, solicitaráanse das administracións públicas competentes os informes sectoriais que resulten necesarios, que deberán ser emitidos no prazo máximo dun mes, salvo que a lexislación sectorial sinale outro prazo.

4. Unha vez que o expediente estea completo, remitirase á persoa titular da consellería competente en materia de ordenación do territorio para o seu informe, que será preceptivo e vinculante e que deberá ser emitido no prazo de dous meses. Este informe versará unicamente sobre o exacto cumprimento dos trámites establecidos e sobre a adecuación do plan ás Directrices de ordenación do territorio e os demais plan territoriais integrados que afecten total ou parcialmente o seu territorio.

5. Co acordo de aprobación inicial adoptárase o de apertura do trámite de información pública por un período de dous meses e solicitarase informe da Delegación do Goberno, que o deberá emitir no mesmo prazo.

6. A Asemblea Metropolitana, á vista do resultado da información pública e dos informes producidos, acordará a aprobación provisional coas modificacións que, de ser o caso, procedan. Se con motivo das alegacións formuladas ou dos informes emitidos tiveren que introducirse modificacións substanciais en relación co documento aprobado inicialmente, poderá dispor un novo período de información pública e consulta de igual duración que o anterior.

7. Logo da aprobación provisional, a Asemblea Metropolitana elevará o expediente completo á Comisión de Ordenación do Territorio e Urbanismo da Área Metropolitana, que procederá, de ser o caso, á súa aprobación definitiva e á súa publicación nos diarios oficiais sinalados no parágrafo 1.”


2. Engádesse un novo artigo 25.bis, que queda coa seguinte redacción:

“Artigo 25. bis. Procedemento de aprobación dos plans e proxectos sectoriais metropolitanos.



XUNTA DE GALICIA

1. A iniciativa poderá partir da propia Asemblea Metropolitana, de calquera concello integrado nela, dunha persoa física ou xurídica ou doutra administración pública.
2. A Asemblea Metropolitana, logo de informe preceptivo e vinculante da Comisión de Ordenación do Territorio e Urbanismo da Área Metropolitana, será o órgano competente para a declaración do plan ou proxecto como de incidencia supramunicipal.
3. Logo da súa aprobación inicial pola Asemblea Metropolitana, someterase durante o prazo mínimo dun mes aos trámites de información pública mediante os correspondentes anuncios no *Diario Oficial de Galicia* e no *Boletín Oficial da Provincia* respectivo, audiencia aos municipios integrantes da Área Metropolitana e anuncio nun dos xornais de maior circulación no ámbito territorial metropolitano.
4. Logo do exame das alegacións presentadas, a Asemblea Metropolitana procederá á súa aprobación provisional, introducirá, de ser o caso, as modificacións ou correccións que procedan e elevará o expediente completo á consellería competente en materia de ordenación do territorio, que o porá á disposición de todas as consellerías afectadas para que poidan alegar o que consideren conveniente; con toda esta documentación a consellería competente en materia de ordenación do territorio emitirá o seu informe preceptivo e vinculante nun prazo máximo de 2 meses.
5. A consellería competente en materia de ordenación do territorio remitirá o plan ou proxecto sectorial metropolitano á Comisión de Ordenación do Territorio e Urbanismo, xunto co informe preceptivo, para os efectos da súa aprobación definitiva, que será publicada no *Diario Oficial de Galicia* e no *Boletín Oficial da Provincia* respectiva.”






XUNTA DE GALICIA

DISPOSICIÓN DERRADEIRA SEGUNDA. Modificación da Lei 9/2002, do 30 de decembro, de ordenación urbanística e protección do medio rural de Galicia.

1. No artigo 85.7, no seu terceiro parágrafo, substitúese “o conselleiro ou conselleira” por “o órgano competente para acordar a aprobación definitiva”.

2. Engádesse un novo parágrafo ao artigo 89 coa seguinte redacción:

“Artigo 89.3. A aprobación definitiva dos plans xerais de ordenación municipal e as súas modificacións dos concellos integrantes dunha área metropolitana corresponden ao órgano competente que designe a lei de creación da área metropolitana, unha vez aprobado definitivamente o seu plan territorial integrado.”





XUNTA DE GALICIA


DISPOSICIÓN DERRADEIRA TERCEIRA. Modificación da Lei 5/1997, do 22 de xullo, de Administración local de Galicia.

1. Modifícase o artigo 2, que queda coa seguinte redacción :

“1. Gozan da condición de entidades locais non territoriais as mancomunidades de municipios, os consorcios locais e as entidades locais menores.

2. As áreas metropolitanas terán a consideración de entidades locais supramunicipais de carácter territorial.”

2. Derróganse os artigos 123, 124, 125, 126, 127, 128, 129, 130, 131, 132, 133 e 134 da Lei 5/1997, do 22 de xullo, de Administración local de Galicia.






XUNTA DE GALICIA

DISPOSICIÓN DERRADEIRA CUARTA. Habilitación normativa

Autorízase o Consello da Xunta de Galicia para ditar as disposicións regulamentarias de desenvolvemento e execución desta lei.





XUNTA DE GALICIA

DISPOSICIÓN DERRADEIRA QUINTA. Entrada en vigor.

Esta lei entrará en vigor ao mes seguinte da súa publicación no *Diario Oficial de Galicia*.

Alfonso Rueda Valenzuela

Conselleiro de Presidencia, Administracións Públicas e Xustiza





BOLETÍN OFICIAL DO PARLAMENTO DE GALICIA

Edición e subscricións: Servizo de Publicacións do Parlamento de Galicia.
Hórreo, 63. 15702. Santiago de Compostela. Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727